





H. XIII. 8

Nova-Tacina. Liter. -

937.
I





Henrici Nicolai

1. Oratio de Protervia quadam Philosophica.
2. Miscellanearum Exercitationum Decuder III.
3. Gymnasium Ethicum.
4. Irenicum sive de differentiis Religionum conciliandi
Comentatio.

Add 36

D. O. M. A.

GYMNASII ETHICI

EXERCITATIO I.

De

Naturâ & Con-
stitutione Ethicæ.

Quam

PRÆSIDE

HENRICO NICOLAI,

Phil. Profesf. Publ.

Placida ventilationi subjicit

CHRISTIANUS NIFANIUS,

In Gymnasio Gedanensi.

Ad diem 28. Augusti

Horis locoq; destinatis.

DANTISCI,

Typis Viduæ GEORGII RHETII.

Anno M. DC. XLIX.

D. O. M. A. H. I. C.
GYMNASII ETHICI
EXERCITATIO I.

Natura & Con-

stitutione Ethica

PRÆSIDIS
HENRICO NICOLAI

Phil. Profess. Publ.
CHRISTIANUS NIFANIUS

In Gymnasio Göttingensi.
Hort. locop. delictis

D. N. T. I. C. I.
T. P. I. S. V. I. D. E. G. E. O. R. G. I. I. R. H. E. T. I. I.
Anno M. DC. XLIX.

GYMNASII ETHICI,

EXERCITATIO I.

De Naturâ & Constitutione
Ethices.

T Ariston Chius olim Dialecticorum argutias telis aranearum similes plus subtilitatis, quàm utilitatis, habere dixit, ut *Erasmus l. 8. apophth. t. 48.* notat, & *Socrates* abrogato Meteorologico disceptandi genere Ethicum & morale introduxit, unde Philosophiam de Cœlo deduxisse, & in urbibus ac domibus collocasse dictus est, ut *Xenophon l. d. dict. Soer. tradit*: Ita non eo modo in illis elaborandum, ut non minus operæ & moralib. disciplinis à liberali animo impendatur, cum in his non verbis, sed factis disceptetur, optimusq; sit, qui verba vertat in opera, & falsæ scientiæ expurget conscientiam. Eà de gratiâ *Ethicas materias* jam ante 12. annos *Decade 3. Miscell.* percursas, iteratâ ventilationi, compendio velut ex *Decade* ducto, pro commodo studiosæ Juventutis, Bono cum Deo, subjicere visum fuit.

2. Clasica Philosophiæ divisio ab *Aristotele* introducta, à sequacib. constanter retenta, in *Theoreticam & Practicam* est, & ratione *objectorum*, *modorum tractandi*, & *finium inde resultantium* optimè procedit, ut *Coron. Log. t. 14. seq. dictum*. *Practica* autem in *Ethicam*, *Oeconomicam*, & *Politicam*, ut inferiores suas partes, subdividi solet. *Quæ divisio an justa*, quæri solet? Nam & defectus, &

excesu hic peccatur. Defectus, ut cum quidam unam Phi-
Practice partem faciunt, Ethicam, ac sub eâ Oecono-
micam & Politicam comprehendunt, ut *Ant. Merandulan.*
apud Perer l. 1. de Philos. c. 8. Aut alii plerasq; virtutes ad
Theolog. Jurisprudentiam, Phys. vel Logicam remittunt,
ut *Althufius l. 1. de Con. Civ. C. 2. Amesius l. 2. Medul. The-*
olog. C. 2. Cum formales considerandi modi & fines mul-
tùm hic divertant; Aut alii Oeconomicam Politicæ ap-
pendicem faciunt, ut *Piccolamin. Civil. Introd. C. 9.* vel
alii Eth. Oecon. & Polit. tres partes unius disciplinæ
Practice faciunt, ut *Gutkius D. 1. Ethica. quæst. 1. & D. 2.*
Intell. de prin. Ph. Perip. t. 14. Elerus D. 1. Eth. t. 29. Jacob.
Mart. D. 1. Eudam. quæst. 1. Zapfius Dist. Eth. s. 1. n. 25. Schar-
fius præc. Log. de Phil. pag. 12. aliq;. Cum tamen diversa
objecta specialia, & diversi considerandi modi formaliter
diversi in objectis, & diversi fines ab objectis taliter con-
sideratis manantes sufficiens discrimen ad diversas disci-
plinas sub uno generali faciendas importent, ut in *Gnostolo-*
gicis & Hexiologia disceptari solet. *V. de Cogn. hum. t. 3. 4.*
3. In præsentem autem negotio omninò ita se res
habet. *Objectum enim Ethices* est praxis moralis ad hone-
stum composita in genere, præscindendo ab omni statu
humano, solitario vel socio, publico vel privato, Do-
mestico vel Politico, vel Ecclesiastico: *Politices* est praxis
Politica in Republ. vel statu publico velut à membro so-
cietatis publicæ competenter expedienda. *Oeconomica*
praxis domestica in domo & societate domesticâ ut mem-
bro ejus occupanda. Praxis autem moralis in genere,
& talis ac talis circa tale objectum determinatum in spe-
cie, Politiam vel domum, sufficienter differunt. Si modis
tantùm differre dicas, objecta ipsa per istos modos diversa
evadere

evadere cogitandum erit, & sic ad diversas disciplinas fundamentum facere. Sic ens in genere tradit *Metaphysica*. In specie, ut substantiale corporeum aut Spirituale est, *Pneumatica & Physica*. Substantia ut sic in *Metaphysicis* explicatur: Ut corpus fit, in *Physicis*, ut Spiritus, in *Pneumaticis*. Et diversæ omninò hinc disciplinæ Philosophicæ. Sic *numerus* in genere Arithmetica, sed in *sono* Musica spectat, & diversæ disciplinæ sunt. *Fines etiam hic diversissimi* sunt. In *Ethicis* beatitudo moralis in genere, seu honestas generalis, in *Oeconomicis* felicitas domestica ac salus domus. In *Politicis* felicitas Politica seu salus Reip. finis est. Hæc autem diversa esse apertum est. Modi considerandi etiam hic diversissimi sunt. In *Ethicis* praxis moralis spectatur ut universim in quovis statu exercenda est. In *Oeconomicis*, ut in familiâ domesticâ præcisè occupanda. In *Politicis*, ut in Rep. & societate Civili præcisè applicanda.

4. Dices 1. Idem Objectum materiale & formale in Ethicâ & Politicâ ac Oeconomicâ est, actiones humanæ, quæ honestæ esse possunt, quas Ethica format, ut in communi vita, Oeconom. & Pol. ut in speciali, domesticâ vel publicâ exerceri debent. E. in re una disciplina. &. *Formale hic diversum est*, quia modum spectandi in speciali vel generali implicat, & diversos fines simul involvit, unde generale ac speciale diversas disciplinas facere potest. Ut in *Metaph. Pneumat. Phys. & Mathematicis*, t. 3. Licet honestas in genere hic pro formali sit, in Politicâ tamen & Oeconomicâ talis & talis honestas spectatur, quæ ita ab Ethicâ differt, ut hæc interdum esse possit, & illa non sit, vel illa sit, & hæc absit. Sic potest aliquis vir bonus Ethicè esse, etsi pessimus civis Politicè, & Oeconomicus Oeconomicè. Unde in *Politicis inter virtutem*

boni viri, & boni civis classicè distinguitur. *V. Aristotel. 3. Polit. C. 4. I. Mart. C. 8. d. 8. q. 9. Et Politicos* passim: Non quòd nunquam in unum eæ concurrant, quod è durioribus *Arist.* verbis primà fronte quis colligat: sed ubi locum corruptum ac suspectæ lectionis non sine ratione censet monetq; *Piccartus*: Sed quod sæpè divertant & scernantur, virtusq; civis in aliquo sit, ubi virtus boni viri non est. *Sic* qui ad leges Civitatis congruè vivit, bonus civis est, & malus moraliter esse potest. Ut *Turca Polygamus* in suo territorio, *Spartanus* furtis ingeniosis deditus, & uxorem raptu sibi ducens, hoc enim lege fiebat, *Keckermannus d. Repub. Spart. C. 10. t. 1. aliq. Conf. Dec. 3. d. 3. t. 10.* Sic bonus Nauta & Gubernator navis aliquis esse potest, ut malus vir moraliter sit, bonus miles, ut Ethicè malus, &c. Virtus boni viri & boni Scholastici, qui prudenter in scholà operari possit, docendo vel discendo, multùm differunt. *In civitate Dei* virtus viri & civis boni concurrunt, non semper *in civitate mundi*, ubi leges & status interdùm contra virtutem moralem sunt. Quæ autem in tantum differunt, ut actu separari possint, realiter, & sic sufficienter differunt. 2. *Idem finis utriusq; est*, honestas. *R. Hic generalis tantùm est, specialis differt.* In Ethicis honestas morum est; In *Oeconom. & Polit.* felicitas domus & Politicæ, bona domus & Reipubl. gubernatio, quæ longe plura, ac honestatem morum, requirit. 3. *Tantùm specialis applicatio virtutum manente generali ad certum vitæ statum est*, unde non diversæ disciplinæ. Sic in Log. parte speciali syllogismus ad specialem materiam applicatur, nec diversa Logica inde, sed pars ejusdem materialis tantùm. *R. Non tantùm diversa applicatio, sed diversorum objectorum formalium & finium*

nium ratio hic est, undè discrimen disciplinarum, t. 3.
Interdum & diversa media ad finem sunt. Sic in Principe
virtus imperantis, in subdito virtus parentis requiritur,
quæ à virtute Ethicâ quandoq; differt. Sic benè guber-
nare navem alia virtus à morali est. *Objecta generalia*, acti-
ones humanæ dirigibiles, & fines generales, honestas,
prudentia practica, conveniunt: *Formalia ac fines proximi*
ultimiq; differunt. Ethica felicitatem moralem in com-
muni vitâ intendit generaliter: Oeconomica & Politica
in vitâ specialiter. V. dec. 3. Misc. d. 1. t. 3. 4.

5. *Excesu peccari putatur, cum Scholastica & Hi-*
storica Phil. practicæ adjicitur. *Scholastica*, quia peculiare
objectum, scholam, modum versandi circa eam, scho-
lasticè per virtutes scholasticas operari, & distinctum fi-
nem habet, bonam scholæ administrationem & felici-
tatem ejus, peculiaris disciplina practica statui potest,
nec enim plenè ad *Politicam* referri potest, in quâ de curâ
Magistratus circa scholam quidem agitur, non tamen
operatio tota Scholastica à docente ac discente in scholâ
exantlanda repræsentatur, quod in Scholasticâ fieri debet.
Nec Magistratus officium est, in scholâ laborare, vel fun-
ctionem scholasticam expedire, sed in erigendis, servan-
dis, amplificandis, scholis laborare, sumptus aliaq; ad
media Scholastica facientia providere, tutelam præstare,
aliaq; ab ipsâ operatione Scholasticâ penitus diversa agere,
Historica directè ad Philosophiam referri nequit, cum de
merè singularibus agat, de quibus nulla disciplina Phi-
losophica agit, quæ de universalibus maximam partem
tradit: Sed *indirectè*, ut *appendix & coronus* aliqua, quia li-
berale objectum habet, Historiam mundi, *liberalem finem*,
prudentiam & mundi Historiâ colligendam, & *modum di-*
stinctè

stinctè verlandi circa objectum, distinctam Historiæ mundi per classes ac characteres temporis representationem, nec ad aliam disciplinam, ut *Ethicam*, ut *Sluternus* vult, vel *Jurisprudentiam* aut *Philologiam*, ut alii censere possint, satis commodè referri potest, sed *Philosophiæ Practicæ* commodius subjungi potest, nec *Verulamij* nova partitio disciplinarum secundum memoriam, phantasiam, & rationem, ubi memoriæ Historia assignatur, satis accurata est, de quâ *Dec. 3. t. 5.* dictum. Plura *Coron. Log. t. 21.*

6. Sed & inaccuratione hic peccari potest, ut cum *Phil. Practica* in *Theoreticam*, qualis *Ethica*, & *Prædictiam*, qualis *Oeconomica* & *Politica*, dividitur, ut *Piccolom. gr. 10. C. 8. Pavonius d. 1. Ethic. q. 2.* *Practica* enim nullo modo theoretica dici potest, cum opposita ei *Theoria* sit ex objecto, spectandi modo, & fine, ut *Coron. t. 17. seq.* dictum, & oppositi habitus *Theoretici* & *Practici* sint, ut vocabula hic commiscere Cœlum cum Orco confundere sit, nec *Philosophi* sit confundere, sed potius distincta distinctè efferre: Vel cum in doctrinam de conversatione, negotiis, & imperio dividitur, ut *Verulam l. 8. d. aug. sci. C. 1.* Ubi ambigui lusus vocabulorum sunt, & voces nec satis distinctæ, nec ad res, quas promunt, satis habiles sunt, ut *Oeconomicam* de negotiis, quasi non & in *Politicis* ea, vel *Ethicam* de conversatione dicere, quasi non & multæ virtutes absolutè citra conversationem sint, ut *Temperantia*, *Castitas*, *Fortitudo*, *sufficiencia*, *Parfimonia*, *Moderestia*, &c. Et contra communem usum vocum significata novare, non privatorum arbitrio commissum esse debet. *Cæsar* civitatem hominibus dare potest, sed verbis non potest, ut rectè *Ramus anim. in Log. Arist. pag. 121.* *U*su enim ea occupantur, ut nummi. *Conf. Arist. 2. Top. C. 2.*

Cicer.

Cicér. 8. d. Orat. n. 146. Lucianum, aliosq. Fides hominum salus proprietatum, ait Tertullianus.

7. His generaliter præmissis *Ethica* jam spectari potest *Vel in præcognitione sua, An detur, Ubi dari eam objectum, finis, & media ad eum, communisq; consensus Philosophorum testantur, Vbi detur, In re nempè, non ratione, nec enim totum esse à mero cogitari rationis habet, & ubi consideretur, vel ut pars Philosophiæ, vel ut pars Pract. Phil. Vel ut noticia naturalis in mente adhuc residua, vel ut peculiaris habitus animum de felicitate civili & mediis ejus plene informans est, quomodo hic spectatur. Reliqua ad Præcogn. Phil. vel Hexilogiam, vel noticias naturales pertinent: Vel Cognitione, eaq; nominali, ut homonymica, Etymologica & Synonymica, de quâ Det. 3. d. 11. 8. Et reali, quâ natura ejus explicatur.*

8. *Hæc absoluta & respectiva est. Absoluta in natura sui, ut definitione, Causis, Subjecto, Objecto, divisione, & attributis.*

9. *Definitio sit: Ethica est prudentia Civilis, actiones humanas moraliter informans, ad summum bonum morale per virtutes Ethicas consequendum.*

10. *Genus est prudentia civilis, h. e. habitus intellectualis cum rectâ ratione moraliter activus eorum, quæ homini bona aut mala, honesta aut inhonesta sunt, 6. Eth. c. 5. Intellectus est, quia intellectum perficit, non Corpus: Activus, quia agere requirit, non nudum scire, t. 1. Verum genus esse patet, 1. Quia nullum aliud dari potest, Non Intelligentia, aut sapientia est, ut patet, nec scientia: Non enim objectum aut finem scientiæ habet. Objectum enim hic ens necessarium esse debet, non à nobis operabile, ut Pneumatica, Physica, & Mathematica, docent, Cum*

Ethicæ objectum actus Moralis à nobis operabilis & à nostro arbitrio pendens sit, *t. 11.* Et finis tantum scire esse debet, cum hic sit agere, *t. 1.* Demonstrationes etiam hic tantum analogicæ sint, non rigidæ, cum res naturâ sui contingentes sint, à nobis pendentes, factibiles aut omisibiles, quæ veras enunciatorum connexiones, probationes, & deductiones habere possunt, quæ & in contingentibus formantur, ut intrinsecam essendi necessitatem non obtineant. Pessimeq; scientiam genusejus *Evenius, Eustachius S. Pauli, Walens, Morisanus aliq;* faciunt: *Nec ars*, ut *Sagittarius, Snellius, Gorleus, aliq;* volunt, Qui vel ex vitiosâ artis definitione procedunt, vel agere cum efficere confundunt, quæ distinxisse satius sit, vel inaccuratè procedunt. *Nec disciplina aut doctrina est*, ut *Goclen. Sluterus, Timplerus, aliq;*, qui generalitate vocis ludunt, cum hic specialior suppetat, & in accuratione Philosophicâ poni debeat. Qui alia genera ponunt, ut Philosophiam, vel partem Phil. omnes alieni sunt. *V. dec. 3. t. 15.* *Nec instrumentalis habitus est*, quia finem ob se habet, non ad aliud & ob aliud, ut instrumentalia solent; *t. 11. 2.* Quia definitio prudentiæ illi competit, & essentiam ejus facit, non accidens aliquod, & objectum respondet, actio humana moraliter informabilis, quod & in Ethicâ est. Meritò ergò prudentia definitur. *Civilis* dicitur, quia ex naturæ lumine extruitur, & ob vitam civilem docetur & excolitur.

II. *Differentia* cœteris verbis continetur, & ab objecto, fine, & medio sumitur. Objectum actiones humanæ sunt, non naturales, ut intelligere, nec cum brutis communes, ut ambulare, edere, nec artificiales, ut pinsere, pingere, dolare, sed quæ liberè & moraliter ab homine fiunt, ac flexionis moralis capaces sunt. Objectum denomi-

nation-

nationis est homo, informationis animus hominis, *perfectio-*
nis voluntas & appetitus, quæ regibilis, proximum & *dire-*
ctionis actus humanus moraliter dirigibilis. Sic enim & *spe-*
cies & principia actuum humanorum, ut voluntarius, in-
vitus, mixtus, bonus, malus, prudens, imprudens, *V. d. 3.*
Et media dirigendi ac perficiendi ejus, virtutes, in Ethicâ
proponuntur; Et proprium Ethicæ formale in eo repræ-
sentando est, *t. 3. 4.* Et communiter ab Authoribus conce-
ditur. Reliqua objecta *vel* huc redigenda, *vel* partialia,
inadæquata, aut aliena sunt. *Dec. 3. t. 17. Finis est internus,*
actionum ad honestū informatio, & externus, felicitatis ci-
vilis cōsecutio, de quâ d. 2. Media virtutes sunt, de quib⁹ d. 4.

12. Definitionem Ethic. *Causa* sequuntur. Quæ
vel efficientes, Deus, Natura, & Intellectus Practicus, In-
formatio, Præcepta, Scripta, & Scriptores Ethici, qui *vel*
gentiles, ut Epicætetus, Aristoteles, Seneca, Theophrastus,
vel Christiani, Pontificii, Lutherani, Reformati, Photinia-
ni, Arminiani, Patres quidam, quos *c. l. t. 28.* adduxi, *vel*
Judæi, ut Rabbini & Thalmudistæ. Gentiles hic legi pos-
sunt ex parte, non absolutè, & ab illis, qui aurum ex Ennii
stercore colligere possunt, non omnibus promiscuè, secus
ac rigidiores quidam, *Daneg, Amesius, Taleus, Vives,* censent.
Et *Nicomachicos* libros *Aristotelis* esse, stylus & allegatio
eorum *2. Pol. C. 1. l. 3. C. 6. l. 4. C. 2. l. 7. C. 3.* aliâq; docent,
ut frustra neget *Patricius*: *Vel materia*, quæ in quâ homo,
etiam juvenis, etsi ob affectuum copiam & impetum mi-
nus idoneus in Ethicis censeatur, *1. Nicom. C. 1.* Quos per
Ethica quotidie subigere oportet, & si heroicæ indolis sit,
aptius subiectum etiam juvenis erit: Circa quod, actus
humanus, *t. 11.* Vel forma, quæ habitus prudentiæ, *t. 10.*
vel finis, qui beatitudo civilis, *t. 11. & d. 2. t. 1. seq.* De Subje-
cto & Objecto Ethicæ *t. 11. 12.* patet.

13. *Divisio Ethica in partem de fine & partem de mediis,*

vel *Eudæmonologiam* & *Aretologiam* instituitur. Hæc duo n. per totam Ethicam traduntur, illisq; traditis ipsa absolvi-
tur, nec quidquam ad perfectionem essentialis ejus ultra re-
quitur. Esse n. habitus sibi debitum habet. Dices 1. *Finis*
inter præcognita tantum est. Non ergo pars. R. *Finis* disci-
plinæ inter præcognita est, non 2. actionis ad finem susce-
ptæ, de quâ hic agitur. Qui summum & primum in inten-
tione est, ad quod omnia media suscipiuntur, & pro quo
destinantur, ac cujus gratiâ tota actio suscipitur. Sic sani-
tas morboſi, pro quâ remedia sumuntur, eruditio, pro quâ
labores, peregrinationes, & studia suscipiuntur. 2. *Via ante
metam* & terminum tradenda: Quæ hic est virtus, quæ an-
te felicitatem tradenda. R. *Via* ante metam ordine Naturæ
tradenda, & in agendo ac currendo, cum facto felicitas
introducenda. Sic prius virtutes requiruntur, Et prius via
decurrenda, priusquam metam attingas: Non distinctioris
doctrinæ, Et in docendo ac tradendo, cum habitus felici-
tatis doctrinaliter traditur. Sic in Practicis semper à fine
repræsentatio inchoanda, d. 16. Log. l. 14.

14. *Attributa Ethica necessitas & utilitas* ejus tùm in vi-
tâ communi, tùm speciali, tùm in Philosophiâ, tùm Th. Ju-
risprud. & aliis est, quib. ad multas materias explicandas
utilisima est: *Subordinatio* ad cæteras disciplinas, non ad-
versitas & oppositio: *Ordo*, ut primo loco inter Practicas
proponatur: *Modus tradendi*, ut non Theologicè, ut Danæ-
us fermè, sed Philosophicè tradatur, quantum ex Naturæ
lumine hauriri potest: *Naturalitas*, quâ conveniens homini
ut perfectio est, non naturæ ejus adversa, ut plura moribus
quàm viribus, exsequatur. *Cognatio* ad scripta sententiosa
& moralia, ut Senecæ, Plutarchi, Siracidis, & *diversitas* ab
iisdem & facultatibus superiorib. Th. Jurisp. Med. Phil.
theoreticâ, & *Oppositio* ad ignorantiam moralem & repu-
gnantiam, qualis feritas morum est.

tion
ere
and
re.
li-
tor
are.
oo
Ho-
t si
pe-
-

